



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens omnia Gavanti Commentaria in Rubricas Breviarii - Cum
Indicibus Decretorum, Rerum atque Verborum notabilium

Merati, Gaetano Maria

Augustæ Vindelicorum, 1740

VD18 10783695-002

De Precibus, & Confessione. XVII.

urn:nbn:de:hbz:466:1-39775

De Precibus. XXXIV.

R U B R I C A.

- 1 Preces sunt aliquot Versus, qui aliquando dicuntur ante Orationem, incipientes à Kyrie eleison, vel à Pater noster.
- 2 Preces Dominicales ad Primam, & Completorium, ut in Psalterio, non dicuntur in Duplicibus, nec infra Octavas, nec in Vigilia Epiphanie, & Feria vj. & Sabato post Octavam Ascensionis, etiam si infra Octavam sit Officium de Dominica, vel alio Festo Semiduplici, quia tunc ratione Octave non dicuntur: alias autem semper dicuntur.
- 3 Preces Feriales ad Laudes, & per Horas distinctae, ut in Psalterio, dicuntur tantum in Feriis Adventus, Quadragesima, quatuor Temporum, & Vigiliarum, quando jejunantur (exceptis Vigilia Nativitatis Domini, ac Vigilia, & quatuor Temporibus Pentecostes) & tunc dicuntur flexis genibus. In aliis Feriis per annum numquam dicuntur, nisi Dominicales, & in illis non flexuntur genua.
- 4 In Feriis Adventus, Quadragesima, & quatuor Temporum, dicuntur Preces Feriales etiam ad Vespertas, si non sequatur Festum: ad Completorium dicuntur consueta de Dominicis, sed flexis genibus. Dicuntur autem Preces flexis genibus ab Hebdomadario usque ad Versum, Dominus vobiscum, ante primam Orationem: a circumstantibus autem usque ad Versum, Benedicamus Domino, post ultimam Orationem.
- 5 In Vigiliis Preces Feriales dicuntur tantum ad Matutinum, & per Horas: ad Vespertas vero sequentes non dicuntur; quia inde fit de Feste. Quod si post Vigiliam S. Matthiae sequitur primus dies Quadragesima, in Vespertis dicuntur Preces Feriales, quamvis dicenda sit Oratio Dominicæ precedentis, & non Vigilia. Quod etiam servatur, quando in Feria vj. & Sabbato quatuor Temporum Septembri fit Officium de Feria, cum in eis non occurrat Festum novem Lectionum: tunc enim in Vespertis Feria vj. dicuntur Preces, quamvis dicenda sit Oratio Dominicæ precedentis, non autem Feria quatuor Temporum.
- 6 Psalmus, Miserere, dicitur cum Precibus ad Vespertas tantum, & Psalmus De profundis ad Laudes. In Officio Defunctorum dicuntur Psalmi, qui in eo Officio signantur.

Novæ Observationes, & Additiones ad Gavanti

Cap. XVII. De Precibus & Confessione.

I. Gavant. pag. 74. col. 1. n. 5. -- Dantur & flebiles Preces &c.) Flebiles Preces, seu longiores, de quibus sermonem habet hoc loco Gavantus, dicuntur ante Orationem,

immediatè post Antiphonam ad Benedic ad Laudes, & ad reliquias Horas pariter post Antiphonam, flexis genibus, quando Officium fit feriale in Feriis Adventus, Quadragesima



gesimæ, excepto triduo ante Pascha; item in Feriis quatuor Temporum, & in Vigiliis, quæ jejunantur: immo etiam si alicubi non jejunentur Vigiliae, quæ cæterum ab omnibus solent jejunari, nihilominus in Officio feriali earum dicuntur, ut resolvit Guyetus lib. 4. ap. 18. quist. 34. ubi adstruit has Preces inseparabiles à forma talis Officii. Excipiuntur tamen Vigiliae Nativitatis, & Pentecostes, ut notat Gavantus num. 9. In aliis verò Feriis, & in Vigiliis, quæ non jejunantur, quales sunt duæ tantum, Epiphaniæ, & Ascensionis, hujusmodi Preces flebiles, seu longiores non dicuntur, sed solummodo alia, quæ Dominicale appellantur, in quibus genita non fleuntur.

II. Gavant, pag. 74. col. 1. n. 6. -- Regem autem hoc loco totius Ecclesie, intelligimus Papam.) Nescimus, quo jure Gavantus petitionem hanc: *Domine, salvum fac Regem,* qui utimur in ferialibus Precibus post Laudes, de Papa velit intelligi. Certum quippe videtur, precem illam fundi pro Principe, cuius dominio subjecti sunt, qui precem illam recitant, quod manifestum est ex ordine precum ipsarum; nam antè dictum est: *Sacerdos tui induantur Justitia,* in quo Versiculo Papam etiam primario comprehendunt certum omnino videtur: ad summum ergo verba illa Papam respicere possunt, cum à dominio Pontificio subjectis recitantur.

III. Gavant, pag. 74. col. 1. n. 7. -- *Infra Octavas ne dum in Duplicibus non dicuntur &c.*) Prædictæ Preces Dominicale non dicuntur neque in Duplicibus, neque infra Octavas. Illi tamen, qui ex speciali privilegio celebrant aliquam Octavam etiam in Quadragesima, sicuti sunt Monachi Benedictini, aliquæ pauci, si dies quarta Cinerum occurrat infra Octavam, quam dicti privilegiati celebrant, debet servari Decretum editum die 24. Januarii 1682. & datum in nostro Indice sub num. 124. in quo præscribitur, quod in Officio Feriæ IV. Cinerum relinquendo Commemorationem Octavæ, debent dicti

privilegiati dicere Preces, Psalms Graduales &c. & servare omnino Rubricas dictæ Feriæ IV. Cinerum. Vide etiam Decreta data sub num. 324. & 325.

IV. Gavant, pag. 74. col. 2. n. 8. -- *Sicut Hebdomadarius usque ad Dominus vobisum &c.* Docet hic Gavantus, quod ad preces flebiles debent omnes de Choro flectere genua usque dum Hebdomadarius dixerit: *Benedicamus Domino post Orationem ultimam,* & quidem inclusivè; Hebdomadarius verò debet pariter perseverare flexis genibus usq; ad *Dominus vobisum*, sed exclusivè: tunc enim, nempe ad versum *Dominus vobisum*, elevando vocem deber surgere, ut docent omnes Rubricista communiter, præsertim Castaldus in Praxi lib. 2. secl. 3. cap. 4. n. 1. dixi, elevando vocem, nam preces prædictæ flebiles in omni Hora, qua debent dici, non solum flexis genibus, sed etiam tono humiliiori, & præfiori voce, dicuntur.

Nunc quæstio suboritur, utrum *Pater noster*, quod inter prædictas flebiles preces clara voce totum ab Hebdomadario dicitur, ab eo stante ne, an verò genuflexo sit recitandum? Resolvit hoc dubium noster Franciscus Magius in supradicto Opusculo 2. de Offic. Chri. disquisit. 38. pag. 312. dicendo: se non posse sibi arguere Hebdomadarios illos, qui Dominicalem Orationem clara voce recitandam, stantes erecto corpore cantant; cum id in nullo Ceremoniali, seu Rituali Libro præscribatur, quinimmo cum Rubrica Breviarii num. 4. disertis verbis hæc habeant -- dicuntur autem preces flexis genibus ab Hebdomadario usque ad *Dominus vobisum* ante primam Orationem: à circumstantibus autem usque ad versum *Benedicamus Domino* post ultimam Orationem -- infertur, Hebdomadarium prædictam Orationem Dominicam flexis genibus debere recitare. Neque dici potest, per preces à Rubrica insinuatas, intelligi solum, que post *Pater noster* præfiori voce ab Hebdomadario recitantur, nam post Laudes, & Vespertas, ante *Kyrie eleison*,



Christe eleison, Kyrie eleison, & ipsum Pater noster hæc leguntur: dicuntur sequentes preces flexis genibus; Unde in apertis est, quod Oratio Dominica recitanda ab Hebdomadario includitur in illis precibus, quæ flexis genibus dicendæ sunt. Confirmari potest hæc sententia auctoritate Victorini Totinii, qui in Ceremoniali PP. Camaldulensium lib. 5. cap. 14. num. 15. de Monastico simul, & Romano Ritu loquens sic ait: *Ad Orationem Dominicam etiam cùm to a cl. è dicitur apud Monachos, genuflectit, qui eam dicit, cùm tunc videatur includi intra preces &c.* Sicut certè in luditur intra preces ad Vesperas, &

Landes Ereviarii Romani, juxta ipsam Rubricam similiter tota dicenda tunc clarè. Quare & Monasticum in Rubrica gene. ali XXXIV. 4. docet, Pater noster ante Orationem, flexis genibus, dici, nullam de hoc exceptiōnem faciens. Idem præscribit Ceremoniale Cap. puccinorum lib. 1. cap. 10. his verbis: Cùm dicendæ sunt preces, repetita Antiphona post Magnificat omnibus genuflexis, Hebdomadarius ipse genuflectat &c. Ex quibus omnibus colligitur, quod Hebdomadarius citra ullum dubium genuflectere debat simul cum aliis de Choro in prædicto casu.

De Commemorationibus communibus, seu Suffragiis Sanctorum. XXXV.

R U B R I C A.

1. *Commemorations Communes, seu Suffragia de Sanctis, que habentur in Psalmario post Vesperas Sabbati, dicuntur in fine Vesperarum & Laudum, ab Octava Epiphania usque ad Dominicam Paschalis exclusivè, & ab Octava Pentecostes usque ad Adventum exclusivè in Dominicis, Feriis, & Festis (nisi Officium sit Duplex, vel infra Octavas, etiam si de Dominica, vel Semiduplici infra eas fiat) & illis adjungitur Commemoratio de Patrono, vel Titulo Ecclesie, ante vel post Commemorationem de Sancta Maria, & de Apostolis, pro dignitate illius, ita tamen, ut semper ultimo loco ponatur Commemoratio de Pace. Et ante illas in Feriali Officio sit Commemoratio de Cruce, que habetur in Psalterio post Lazarus Feria ij.*
2. *Tempore Paschali fit alia Commemoratio de Cruce, ut ibi ponitur in Laudibus Feria ij. post Dominicam in Albis, & ea solum tunc dicitur: non tamen in Duplicibus, neque infra Octavas.*
3. *Si facienda sit Commemoratio alicujus Festi occurrentis, semper fit ante ipsa Suffragia consueta, etiam ante Commemorationem de Cruce.*
4. *Commemoratio de S. Maria non fit cum aliis, quando dicitur ejus Officium parvum, nec quandcumque fit Officium de ea.*

Novæ Observations, & Additiones ad Gavanti

Cap. XVIII. De Commemorationibus & Suffragiis Sanctorum communibus.

- I. Gavant pag. 75. col. 1. n. 14. - *Suffragia Sanctorum vocat. Gemma &c.) Suffragia, seu Commemorationes Communes Sanctorum sunt illæ, quæ habentur in Breviariorum*